



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-36654-2/25
Sarajevo, 26.06.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **81. sjednici održanoj 26.06.2025. godine**, donijela je

ZAKLJUČAK

1. Utvrđuje se prijedlog Zakona o izmjenama i dopuni Zakona o visokom obrazovanju.
2. Predlaže se Skupštini Kantona Sarajevo da, u skladu sa Poslovnikom Skupštine Kantona Sarajevo, donese prijedlog Zakona iz tačke 1. ovog zaključka po skraćenom postupku.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za nauku, visoko obrazovanje i mlade Kantona Sarajevo,
6. Evidencija,
7. A r h i v a.

Na osnovu čl. 12. tačka b) i 18. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj _____ 2025. godine, donijela je

PRIJEDLOG

ZAKON O IZMJENAMA I DOPUNI ZAKONA O VISOKOM OBRAZOVANJU

Član 1.

(Izmjena člana 31.)

U Zakonu o visokom obrazovanju („Službene novine Kantona Sarajevo“, broj: 36/22) član 31. mijenja se i glasi:

„Član 31.

(Školarine i druge naknade na javnim visokoškolskim ustanovama)

- (1) Na prijedlog senata, upravni odbor uz prethodnu saglasnost Vlade, utvrđuje visinu školarine, upisnine i drugih naknada koje su studenti obavezni plaćati za usluge koje visokoškolske ustanove i članice univerziteta pružaju studentima u svim statusima i na svim ciklusima studija.
- (2) Visina školarine iz stava (1) ovog člana može biti različita za članice javne visokoškolske ustanove i u okviru njih za različite studijske programe.
- (3) Studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u Kantonu Sarajevo, oslobođeni su troškova plaćanja školarine, odnosno školuju se na teret Budžeta Kantona Sarajevo, do navršenih 26 godina života.
- (4) Student iz stava (3) ovog člana gubi pravo na oslobađanje od troškova plaćanja školarine ukoliko drugi put zaredom obnovi istu godinu studija.
- (5) Lice sa utvrđenim stoprocentnim invaliditetom ima pravo upisati se na javnu visokoškolsku ustanovu u statusu studenta oslobođenog od troškova plaćanja školarine, bez mogućnosti da ovaj status izgubi, na bilo kojem studijskom programu svih ciklusa studija pod uslovom da je:
 - a) položilo prijemni ispit;
 - b) sposobno obavljati praktične zadatke u nastavi;
 - c) steklo pravo upisa na odgovarajući ciklus studija;
 - d) dostavilo dokaz nadležne institucije o statusu lica sa invaliditetom i procentu invaliditeta.
- (6) Redovan samofinansirajući student prvog ciklusa studija, drugog ciklusa studija i integrisanog studija koji je prvi put upisan u tekuću studijsku godinu, a koji je položio sve ispite iz tekuće studijske godine i prema ostvarenoj prosječnoj ocjeni iz tekuće studijske godine spada u 20% najbolje rangiranih studenata na svom studijskom programu u toj godini studija, oslobađa se obaveze troškova plaćanja školarine za nastavak studija.
- (7) Rangiranje studenata iz stava (6) ovog člana vrši se prema postignutoj prosječnoj ocjeni zadnjeg dana akademske godine, odnosno 30. septembra.
- (8) U slučaju da je prilikom rangiranja studenata u skladu sa st. (6) i (7) ovog člana:
 - a) broj studenata na rang listi jednak ili manji od pet, troškova plaćanja školarine oslobađa se prvi student sa rang liste;
 - b) broj studenata na rang listi između šest i 10, troškova plaćanja školarine oslobađaju se prva dva studenta sa rang liste;
 - c) ukoliko 20% najbolje rangiranih studenata nije cijeli broj, broj studenata koji se oslobađaju troškova plaćanja školarine zaokružuje se na naredni cijeli broj;

- d) ukoliko se na posljednjem mjestu rang liste sa istim prosjekom nalazi veći broj studenata, koji su ostvarili pravo na oslobađanje troškova plaćanja školarine, nakon rangiranja iz tač. a), b) i c) iz ovog stava, svi ti studenti se oslobađaju plaćanja troškova školarine.
- (9) Nakon rangiranja studenata u skladu sa st. (6), (7) i (8) ovog člana student koji je oslobođen troškova plaćanja školarine stiče status redovnog studenta i taj status zadržava na način i pod uslovima iz člana 3. tačka aaa) ovog zakona.
- (10) Najkasnije 30 dana prije početka upisa u novu studijsku godinu, Skupština, na prijedlog Vlade, svojim zaključkom može utvrditi dodatne kriterije i uslove za oslobađanje troškova plaćanja školarine ili gubitak statusa studenta oslobođenog od troškova plaćanja školarine za studente prvog ciklusa studija, drugog ciklusa studija i integrisanog studija, koji se realizuju u okviru javne visokoškolske ustanove.“.

Član 2.
(Novi član 172a.)

Iza člana 172. dodaje se novi član 172a. koji glasi:

„Član 172a.
(Normativi i standardi)

- (1) Na prijedlog Ministarstva, Vlada donosi Normative i standarde za obavljanje djelatnosti visokog obrazovanja na području Kantona Sarajevo.
- (2) Na prijedlog Ministarstva, Vlada imenuje komisiju za tumačenje Normativa i standarda iz stava (1) ovog člana, na period od jedne godine.
- (3) Komisiju iz stava (2) ovog člana obavezno čine predstavnici Ministarstva i predstavnici visokoškolskih ustanova na području Kantona Sarajevo.“.

Član 3.
(Izmjena člana 175.)

- (1) U članu 175. mijenja se stav (5) i glasi:

„(5) Lica koja su započela postdiplomski studij za stjecanje stepena magistra nauka/umjetnosti i doktora nauka imaju pravo steći naučni stepen magistra nauka/umjetnosti, odnosno doktora nauka zaključno sa 30.09.2028. godine.“.

- (2) U članu 175. mijenja se stav (11) i glasi:

„(11) Student koji je započeo studij po predbolonjskom sistemu studija ima pravo, u skladu sa zakonom, isti okončati do 30.09.2028. godine.“.

Član 4.
(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

PREDSJEDAVAJUĆI
SKUPŠTINE KANTONA SARAJEVO

Elvedin Okerić

Broj: 01-05-_____/25
Sarajevo, _____ 2025. godine

O B R A Z L O Ž E N J E

I – PRAVNI OSNOV

Član 12. tačka b) Ustava Kantona Sarajevo („Službene novine Kantona Sarajevo“, br. 1/96, 2/96 - ispravka, 3/96 - ispravka, 16/97, 14/00, 4/01, 28/04, 6/13 i 31/17) je propisano da Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za utvrđivanje obrazovne politike, uključujući donošenje propisa o obrazovanju i osiguranje obrazovanja;

Član 18. tačka b) Ustava Kantona Sarajevo je propisano da Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

Član 158. Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst, 15/13, 47/13, 47/15 , 48/16, 9/20, 14/20, 16/22, 17/22- ispravka i 47/24) je propisano da kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona.

II – RAZLOZI ZA DONOŠENJE ZAKONA

Ministarstvo za nauku, visoko obrazovanje i mlade Kantona Sarajevo zaprimilo je inicijative i zahtjeve za izmjenu određenih odredbi Zakona o visokom obrazovanju („Službene novine Kantona Sarajevo“, broj: 36/22), i to:

Klub zastupnika Socijaldemokratske partije BiH podnio je inicijativu, broj: 01-04-53531-13/24 od 11.12.2024. godine, za pokretanje izmjena i dopuna Zakona o visokom obrazovanju po skraćenom postupku.

U obrazloženju predmetne inicijative se navodi da je na održanoj sjednici Skupštine Kantona Sarajevo od 11.12.2024. godine, na kojoj je razmatrana i usvojena Odluka o oslobađanju troškova školarine studenata Univerziteta u Sarajevu u studijskoj 2023./2024. godini, ukazano na potrebu izmjene Zakona o visokom obrazovanju u cilju preciznijeg definisanja pojedinih odredbi i primjene istog, a u interesu studenata Univerziteta u Sarajevu.

Univerzitet u Sarajevu – Stomatološki fakultet sa stomatološkim kliničkim centrom dostavio je upit, broj: 01-3-8-16/24 od 27.11.2024. godine, kojim se traži instrukcija u pogledu oslobađanja troškova školarine djece bez oba roditelja, u smislu davanja konkretne upute do koje godine života ova kategorija studenata ostvaruje pravo na oslobađanje troškova školarine.

U predmetnom upitu se navodi da su djeca kao kategorija društva osobe mlađe od 18 godina, tj. maloljetnici, koje kao takve uglavnom nisu kandidati za upis u prvu godinu studija, dok uopšte nisu kandidati za upis starijih godina studija te da je očigledno da se u ovoj odredbi pod pojmom „djeca“ misli na potomke. Konkretan upit je da li lice bez oba roditelja koje je steklo status studenta, odnosno ostvarilo pravo na upis, u svojoj 38. ili 40. godini života ostvaruje pravo na oslobađanje troškova školarine u skladu sa članom 31. stav (3) Zakona o visokom obrazovanju.

Kantonalna uprava za inspekcijske poslove je svojim aktom, broj: 14-12-34-06552/24 od 02.12.2024. godine, također zatražila mišljenje u pogledu primjene člana 31. stav (3) Zakona o visokom obrazovanju.

Zastupnice u Skupštini Kantona Sarajevo, Jelena Pekić i Belma Kapo, uputile su inicijativu, broj: 01-04-55454-37/24 od 28.01.2025. godine, za izmjenu i dopunu člana 175. stav (11) Zakona o visokom obrazovanju. U obrazloženju predmetne inicijative se, između ostalog, navodi da je članom 175. stav (11) Zakona o visokom obrazovanju definisan rok za završetak studija po predbolonjskom sistemu zaključno sa 30.09.2025. godine. S obzirom da definisani rok uskoro ističe te da na Univerzitetu u Sarajevu studira veliki broj studenata koji u navedenom roku objektivno neće biti u mogućnosti okončati započeti studij, inicira se da resorno ministarstvo pokrene proceduru izmjena i dopuna zakona i to kroz izmjene člana 175. stav (11) Zakona o visokom obrazovanju na način da se rok dodatno produži. S tim u vezi, predložena je izmjena člana 175. stav (11) Zakona o visokom obrazovanju na sljedeći način: „Student koji je započeo studij po predbolonjskom sistemu studija ima pravo, u skladu sa zakonom, isti okončati do 30.09.2028. godine.“

U obrazloženju se također navodi da na Univerzitetu u Sarajevu postoji oko 1500 studenata koji imaju opravdan interes da se izvrše gore predložene izmjene Zakona o visokom obrazovanju, a kojima se protekom definisanog roka (do 30.09.2025. godine) suštinski oduzima pravo da svoje obrazovanje okončaju u skladu sa ranijim nastavnim planom i programom, prema kojem su započeli studij. Većina gore pomenutih studenata uporedo studira i radi te na taj način finansira školovanje. U ukupnoj strukturi zainteresovanih studenata, određen broj studenata ima status apsolventa, određenom broju studenata je preostala obaveza izrade diplomskog rada, dok pojedini studenti još uvijek redovno pohađaju predavanja.

Zastupnica u Skupštini Kantona Sarajevo Smiljana Viteškić uputila je inicijativu, broj: 01-04-55454-25/24 od 15.01.2025. godine, za izmjenu člana 175. stav (11) Zakona o visokom obrazovanju, a koji bi nakon izmjene glasilo: „Student koji je započeo studij po predbolonjskom sistemu studija, ima pravo u skladu sa Zakonom, isti okončati do 30.09.2028. godine.“

III – OBRAZLOŽENJE POJEDINIH ODREDBI PRIJEDLOGA ZAKONA

Član 1. – Ovim članom vrši se izmjena člana 31. Zakona o visokom obrazovanju na način da je precizno propisano na koji način se provodi postupak oslobađanja troškova školarine 20% najuspješnijih studenata Univerziteta u Sarajevu.

Utvrđeno je koji status stiču studenti nakon izvršenog rangiranja u skladu sa ovom odredbom i pod kojim uslovima isti zadržavaju.

Nadalje, utvrđeno je da su studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja oslobođeni troškova školarine do navršenih 26 godina života.

S obzirom da od usvajanja Zakona o visokom obrazovanju 2022. godine postoje oprečna mišljenja u pogledu primjene odredbe člana 31. Zakona, da je Skupština Kantona Sarajevo u dva navrata donosila odluke o oslobađanju troškova školarine najboljih studenata Univerziteta u Sarajevu, da su pojedini stavovi ovog člana neprecizno napisani što ostavlja mogućnost različitog svatanja i postupanja, predlaže se izmjena člana 31. Zakona u predloženom tekstu.

Član 2. – Ovim članom dodaje se novi član 172a. Zakona kojim se propisuje da na prijedlog Ministarstva, Vlada donosi Normative i standarde za obavljanje djelatnosti visokog obrazovanja na području Kantona Sarajevo.

Istovremeno su utvrđeni sastav i način imenovanja radnog tijela/komisije za tumačenje Normativa i standarda.

Ministarstvo za nauku, visoko obrazovanje i mlade Kantona Sarajevo je, također, u proteklom periodu zaprimilo više zahtjeva za tumačenje, izmjenu i usklađivanje Standarda i normativa za

djelatnost visokog obrazovanja na području Kantona Sarajevo („Službene novine Kantona Sarajevo“, broj: 17/19).

S obzirom da Zakonom o visokom obrazovanju iz 2022. godine, tehničkom greškom ili omaškom, nije utvrđen/propisan donosilac ovog dokumenta (ranijim Zakonom je to bila Vlada Kantona Sarajevo), Ministarstvo cijeni neophodnim riješiti ovo pitanje novim članom 172a. Zakona na predloženi način.

Član 3. – Ovim članom vrši se izmjena člana 175. Zakona na način da je produžen rok za završetak studija za sve studente koji su započeli studij po predbolonjskom sistemu studija do 30.09.2028. godine, odnosno za dodatne tri godine.

Članom 175. stav (11) Zakona o visokom obrazovanju je definisan rok za završetak studija po predbolonjskom sistemu zaključno sa 30.09.2025. godine. S obzirom da definisani rok uskoro ističe te da na Univerzitetu u Sarajevu studira oko 1500 studenata po predbolonjskom sistemu studija, a koji u navedenom roku neće biti u mogućnosti okončati započeti studij, predlaže se izmjena ove odredbe Zakona u predloženom tekstu .

Članom 175. stav (5) Zakona o visokom obrazovanju također je utvrđen rok za završetak studija za lica koja su započela postdiplomski studij za stjecanje stepena magistra nauka/umjetnosti i doktora nauka po predbolonjskom sistemu studija.

S obzirom da se predlaže izmjena stava (11) ovog člana, posljedično se predlaže i izmjena stava (5) ovog člana Zakona na koji način bi svim studentima po predbolonjskom sistemu studija bio utvrđen isti rok za završetak studija.

Član 4. – Ovim članom utvrđuje se stupanje na snagu zakona.

IV – PRAVNA RJEŠENJA

Prijedlog zakona je pripremljen u skladu sa Pravilima i postupcima za izradu zakona i drugih propisa Federacije Bosne i Hercegovine i Uredbom o postupku i načinu pripremanja, izrade i dostavljanja propisa.

V - FINANSIJSKA SREDSTVA ZA PROVOĐENJE ZAKONA

Za provođenje ovog zakona nisu potrebna dodatna finansijska sredstva iz Budžeta Kantona Sarajevo.

VI - RAZLOZI ZA DONOŠENJE ZAKONA PO SKRAĆENOM POSTUPKU


Članom 158. Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst, 15/13, 47/13, 47/15 , 48/16, 9/20, 14/20, 16/22, 17/22- ispravka i 47/24) je propisano: „Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona.“

Uvažavajući naprijed pomenutu zastupničku inicijativu za pokretanje izmjena i dopuna Zakona o visokom obrazovanju po skraćenom postupku te da Prijedlog zakona o izmjenama i dopunama Zakona o visokom obrazovanju nije složen i obiman zakon, predlaže se donošenje ovog zakona po skraćenom postupku.

VII – PRILOG

- Mišljenje Ministarstva pravde i uprave Kantona Sarajevo, broj: 03-04/1-02-32173/25 od 12.06.2025. godine,

- Mišljenje Ureda za zakonodavstvo Vlade Kantona Sarajevo, broj: 09-02-32170/25 od 12.06.2025. godine,
- Mišljenje Ministarstva finansija Kantona Sarajevo, broj: 08-03-11-32900/25 MD od 12.06.2025. godine,
- Zastupnička inicijativa Socijaldemokratske partije BiH, broj: 01-04-53531-13/24 od 11.12.2024. godine,
- Zastupnička inicijativa zastupnica Jelene Pekić i Belme Kapo, broj: 01-04-55454-37/24 od 28.01.2025. godine,
- Zastupnička inicijativa zastupnice Smiljane Viteškić, broj: 01-04-55454-25/24 od 15.01.2025. godine,
- Akt Univerziteta u Sarajevu – Stomatološkog fakulteta sa stomatološkim kliničkim centrom, broj: 01-3-8-16/24 od 27.11.2024. godine,
- Akt Kantonalne uprave za inspekcijske poslove je svojim aktom, broj: 14-12-34-06552/24 od 02.12.2024. godine,
- čl. 31. i 175. Zakona o visokom obrazovanju (“Službene novine Kantona Sarajevo“, broj: 36/22),
- čl. 12. tačka b) i 18. tačka b) Ustava Kantona Sarajevo (“Službene novine Kantona Sarajevo“, br. 1/96, 2/96 - ispravka, 3/96 - ispravka, 16/97, 14/00, 4/01, 28/04, 6/13 i 31/17),
- član 158. Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst, 15/13, 47/13, 47/15 , 48/16, 9/20, 14/20, 16/22, 17/22-ispravka i 47/24),
- čl. 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi Prečišćeni tekst i 37/14 – Ispravka).



1728
PB1

Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-03-11-32900/25 MD
Sarajevo, 12.06.2025. godine

KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE

Predmet: Mišljenje na prijedlog Zakona o izmjenama i dopuni Zakona o visokom obrazovanju;
Veza: Vaš dopis, broj: 27/03-02-9420-7/25 od 03.06.2025. godine;

U vezi vašeg zahtjeva za mišljenje, broj i datum veze, koji se odnosi na prijedlog Zakona o izmjenama i dopuni Zakona o visokom obrazovanju, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine FBiH“, br. 34/16 i 15/18) i u skladu sa članom 12. stav (1) tač. a) i b) i članom 16. stav (2) Uredbe o procjeni uticaja propisa u Kantonu Sarajevo („Službene novine Kantona Sarajevo“, broj: 29/22), Ministarstvo finansija Kantona Sarajevo daje sljedeće mišljenje:

Ministarstvo za nauku, visoko obrazovanje i mlade Kantona Sarajevo je postupilo u skladu sa navedenim Pravilnikom i Ministarstvu finansija uz prijedlog Zakona dostavilo na mišljenje popunjen i potpisan obrazac IFP-NE u kojem je data sljedeća izjava: „Prijedlog zakona o izmjenama i dopuni Zakona o visokom obrazovanju ne iziskuje dodatna sredstva u Budžetu Kantona Sarajevo za 2025. godinu“.

Obzirom da za provođenje prijedloga Zakona nisu potrebna dodatna sredstva iz Budžeta Kantona Sarajevo, na navedeni prijedlog Zakona o izmjenama i dopuni Zakona o visokom obrazovanju, Ministarstvo finansija, sa aspekta fiskalnog učinka na Budžet, **nema primjedbi**.

Ovo mišljenje je dato u skladu sa odredbama Zakona koji se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

MINISTAR

Dostaviti:

- ① Naslovu
2. MF-Sektor za budžet i fiskalni sistem
3. a/a

Pripremila: Mensura Drake
Kontrolisali: Nihad Kurtić
Dr. Amina Moćević



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba



27
1607
PB 1

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/1-02-32173/25
Sarajevo, 12.06.2025. godine

KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE

PREDMET: Prijedlog Zakona o izmjenama i dopuni Zakona o visokom obrazovanju, mišljenje –

VEZA: Vaš akt, broj: 27/03-02-9420-6/25 od 03.06.2025. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 - Drugi novi prečišćeni tekst, 2/18 - Ispravka i 32/22), Ministarstvo pravde i uprave razmotrilo je prijedlog dostavljenog Zakona i daje sljedeće

MIŠLJENJE

Prijedlog Zakona o izmjenama i dopuni Zakona o visokom obrazovanju je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda kao i drugih pravnih akata kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2. a/a.

**PO OVLAŠTENJU MINISTRICE
POMOĆNIK MINISTRA**

Irma Sejtanić



Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade Kantona
Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе
Кантона Сарајево

Bosnia and Herzegovina
Federation of Bosnia and Herzegovina
CANTON SARAJEVO
Office for Legislature of Sarajevo Canton
Government

27
1614
RB 9

Broj: 09-02-32170/25
Sarajevo, 12.06.2025. godine

KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE

PREDMET: Mišljenje na prijedlog Zakona o izmjenama i dopuni Zakona o visokom obrazovanju.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Prijedlog Zakona o izmjenama i dopuni Zakona o visokom obrazovanju (u daljem tekstu: Zakon) uređuje pitanja iz čl. 31. i 175. Zakona o visokom obrazovanju ("Službene novine Kantona Sarajevo", broj 36/22) kojim se regulišu školarine i druge naknade na javnim visokoškolskim ustanovama i stečena prava, odnosno produženje roka za završetak studija. Nadalje, prijedlog Zakona propisuje i novi član 172a. koji reguliše donošenje normativa i standarda za obavljanje djelatnosti visokog obrazovanja na području Kantona Sarajevo od strane Vlade Kantona Sarajevo.

Za zakonitost predloženih rješenja sadržanih u prijedlogu Zakona odgovoran je nosilac pripreme predmetnog materijala, a ocjena opravdanosti istih je u nadležnosti Vlade, odnosno Skupštine Kantona Sarajevo.

Prijedlog Zakona reguliše identične članove sadržane u prijedlogu Zakona o izmjenama i dopuni Zakona o visokom obrazovanju, na koji je Ured za zakonodavstvo Vlade Kantona Sarajevo dana 27.03.2025. godine dao mišljenje broj: 09-02-9720/25.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



ŠEF UREDA



12/13

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-53531-13/24
Sarajevo, 11.12.2024. godine

-ZAKONODAVNO-PРАВNA KOMISIЈА SKUPŠTINE KANTONA SARAJEVO

-VLADA KANTONA SARAJEVO

MINISTARSTVO ZA NAUKU, VISOKO OBRAZOVANJE I MLADE KANTONA SARAJEVO


PREDMET: Zastupnička inicijativa, dostavlja se –

Klub zastupnika Socijaldemokratske partije BiH u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi precisčeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), na 18. radnoj sjednici Skupštine Kantona Sarajevo, održanoj dana 11.12.2024. godine, u okviru tačke Dnevnog reda "Poslanička/zastupnička pitanja, inicijative i odgovori", uputio je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Dženita Džebić
Kontrolisala: Amela Smilagić-Čamčević



**PRED SJEDAVAJUĆI
SKUPŠTINE KANTONA SARAJEVO**

CO:

- sekretar SKS
- sekretar Vlade



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

1/1

ZA:

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo**

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema Ministarvo za nauku, visoko obrazovanje i mlade Kantona Sarajevo

Da pokrene izmjene i dopune po skraćenom postupku Zakona o visokom obrazovanju ("Sl. novine Kantona Sarajevo", br. 36/2022).

Obrazloženje:

U skladu sa održanom sjednicom skupštine Kantona Sarajevo od 11.12.2024. godine gdje je razmatrana i usvojena Odluka o oslobađanju troškova skolarine studenata Univerziteta u Sarajevu prema postignutim rezultatima u studijskoj 2023./2024. godini, tokom diskusije je ukazano na potrebu izmjene gore navedenog zakona.

Stoga upućujemo inicijativu da Ministarvo za nauku, visoko obrazovanje i mlade Kantona Sarajevo pokrene izmjene i dopune po skraćenom postupku Zakona o visokom obrazovanju ("Sl. novine Kantona Sarajevo", br. 36/2022) u cilju preciznijeg definisanja pojedinih odredbi i primjene Zakona, a u interesu studenata Univerziteta u Kantonu Sarajevo.

S poštovanjem,

Šef kluba zastupnika i zastupnica SDP
Davor Čičić

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj: 01-04-55454-37/24
Sarajevo, 28.01.2025. godine

-SKUPŠTINA KANTONA SARAJEVO
Zakonodavno-pravna Komisija

-VLADA KANTONA SARAJEVO

MINISTARSTVO ZA NAUKU, VISOKO OBRAZOVANJE I MLADE KANTONA SARAJEVO

PREDMET: Zastupnička inicijativa, dostavlja se –

Zastupnice Jelena Pekić i Belma Kapo u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), u okviru 19. radne sjednice Skupštine Kantona Sarajevo, uputile su zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Amela Smailagić-Čamdžić
Kontrolisala: Aida Zeković



PREDSJEDAVAJUĆI
SKUPŠTINE KANTONA SARAJEVO

CO:

- sekretar SKS
- sekretar Vlade



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

1/1

Klub SDP BiH
Zastupnica Jelena Pekić
Zastupnica Belma Kapo

Sarajevo, 27.01.2025. godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 214. Poslovnika Skupštine Kantona Sarajevo, dostavljam:

ZASTUPNIČKU INICIJATIVU

Prema: Ministarstvu za nauku, visoko obrazovanje i mlade Kantona Sarajevo

Inicijativa za produženje roka za završetak studija po predbolonjskom sistemu – izmjena i dopuna člana 175. stav 11. Zakona o visokom obrazovanju („Službene novine Kantona Sarajevo“ 36/22)

OBRAZLOŽENJE:

Na upit i molbu predstavnika studenata Medicinskog, Stomatološkog, Farmaceutskog i Prirodno-matematičkog fakulteta Univerziteta u Sarajevu dostavljamo vam inicijativu za izmjenu člana 175. stav 11. Zakona o visokom obrazovanju KS (u daljem tekstu Zakon), a kojim je definisan rok za završetak studija po predbolonjskom sistemu zaključno sa 30.09. 2025. godine.

S obzirom da definisani rok uskoro ističe, te da na Univerzitetu u Sarajevu studira veliki broj studenata koji u navedenom roku objektivno neće biti u mogućnosti da okončaju započeti studij, ovom prilikom iniciramo da resorvno ministarstvo pokrene proceduru izmjena i dopuna zakona i to kroz izmjene člana 175. stav 11. Zakona, i to na način da se rok dodatno produži.

Predlažemo da nakon izmjena i dopuna člana 175. stav 11. Zakona glasi: „*Student koji je započeo studij po predbolonjskom sistemu studija ima pravo, u skladu sa zakonom, isti okončati do 30.09.2028. godine.*“

Činjenica je da na Univerzitetu u Sarajevu postoji oko 1500 studenata koji imaju opravdan interes da se izvrše gore predložene izmjene Zakona, a kojima se prema važećim odredbama Zakona, protekom definisanog roka (do 30.09.2025. godine) suštinski oduzima pravo da svoje obrazovanje okončaju u skladu sa ranijim nastavnim planom i programom (u daljem tekstu Stari plan i program) prema kojem su započeli studij. Većina gore pomenutih studenata

Prim.dr Smiljana Viteškić

Zastupnica SDA u Skupštini Kantona Sarajevo

Sarajevo, 15.01.2025.g..

Bosna i Hercegovina

Federacija BiH

Kanton Sarajevo

Skupština Kantona Sarajevo

n/r predsjedavajućeg Elvedin Okerić

Predmet: Zastupnička inicijativa Ministarstvu za visoko obrazovanje i nauku KS

Poštovani,

Podnosim inicijativu za izmjenu čl.175, stav 11. Zakona o visokom obrazovanju KS, koji bi nakon izmjene glasio:


„ Student koji je započeo studij po predbolonjskom sistemu studija, ima pravo u skladu sa Zakonom, isti okončati do 30.09.2028.godine“

PRILOG: 1.Inicijativa studenata za produženje roka za završetak studija po predbolonjskom istemu studiranja

2.Statistički podaci Službe za nastavu i studentska pitanja Univerziteta u Sarajevu.

S poštovanjem.

Prim.dr. Smiljana Viteškić



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Broj: 01-04-55454-25/24
Sarajevo, 15.01.2025. godine

**-SKUPŠTINA KANTONA SARAJEVO
Zakonodavno-pravna komisija**

-VLADA KANTONA SARAJEVO

**MINISTARSTVO ZA NAUKU, VISOKO OBRAZOVANJE I MLADE KANTONA
SARAJEVO**

PREDMET: Zastupnička inicijativa, dostavlja se –

Zastupnica Smiljana Viteškić u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), u okviru 19. radne sjednice Skupštine Kantona Sarajevo, uputila je zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Amela Smailagić-Čamdžić
Kontrolisala: Aida Zeković



**PREDSEDavajući
SKUPŠTINE KANTONA SARAJEVO**

CO:

- sekretar SKS
- sekretar Vlade

UNIVERZITET U SARAJEVU -
STOMATOLOŠKI FAKULTET SA
STOMATOLOŠKIM KLINIČKIM
CENTROM

Tel.: +387 33 214 249
Fax: +387 33 443 395
E-mail: dentalschool@sf.unsa.ba
Adresa: Bolnička 4a, Sarajevo
Bosna i Hercegovina

Broj: 01-3-8-16/24
Sarajevo, 27.11.2024. godine

Ministarstvo za nauku, visoko obrazovanje
i mlade Kantona Sarajevo
Reisa Džemaludina Čauševića 1
71000 Sarajevo
n/r prof. dr. Adna Mesihović, ministrica

Univerzitet u Sarajevu
Obala Kulina bana 7/2
71000 Sarajevo
n/r prof. dr. Tarik Zaimović, rektor

Kantonalna uprava za inspekcijske poslove KS
Inspektorat prosvjetne inspekcije
Aleja Bosne srebrene bb
71000 Sarajevo
n/r Dalila Hakalović

PREDMET: Instrukcija za postupanje, traži se;

Poštovani,

član 31. stav (3) Zakona o visokom obrazovanju propisuje: "Studenti iz kategorije šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u Kantonu Sarajevo, oslobođeni su plaćanja školarine, odnosno školuju se na teret Budžeta Kantona Sarajevo."

Ovim tražimo instrukciju u pogledu oslobađanja troškova školarine djece bez oba roditelja, u smislu davanja konkretne upute do koje godine života ova kategorija studenata ostvaruje pravo na oslobađanje troškova školarine.

S obzirom da su djeca kao kategorija društva osobe mlađe od 18 godina života, tj maloljetnici, koje kao takve uglavnom nisu kandidati za upis u prvu godinu studija, dok uopšte nisu kandidati za upis starijih godina studija, očigledno je da se u ovoj odredbi pod pojmom "djeca" misli na potomke, pa se s tim u vezi i traži instrukcija za postupanje.

Primjera radi, da li lice bez oba roditelja koje je steklo status studenta, odnosno ostvarilo pravo na upis, u svojoj 38. ili 40. godini života ostvaruje pravo na oslobađanje troškova školarine u skladu sa članom 31. stav (3) Zakona o visokom obrazovanju?

S poštovanjem,

Pripremila i za uskl sa zakonskim
i podzakonskim aktima odgovara:

Mr. sci. Edisa Lišić, dipl. inr

Dos
Nastavnik
-a/a.



UNIVERSITY OF SARAJEVO -
FACULTY OF DENTISTRY WITH
DENTAL CLINICAL CENTER

Phone: +387 33 214 249
Fax: +387 33 443 395
E-mail: dentalschool@sf.unsa.ba
Address: Bolnička 4a, Sarajevo
Bosnia and Herzegovina

Bosna i Hercegovina
Federacija Bosne i Hercegovine
KANTON SARAJEVO

PRILUP NO:	27-11-2024	Broj prijava
Organizaciona jedinica	Klinika	
27	02 52097	




Prof. dr. sci. Muhamed Ajžhović



Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues



Broj: 14-12-34-06552/24
Datum: 02.12.2024. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO ZA NAUKU, VISOKO OBRAZOVANJE I MLADE
Ul. Reisa Džemaludina Čauševića broj 1
71000 SARAJEVO
N/r ministrice Adne Mesihović

PREDMET: Instrukcija za postupanje, dostavlja se;

Kantonalna uprava za inspekcijske poslove, Inspektorat prosvjetne inspekcije zaprimio je Zahtjev Univerziteta u Sarajevu – Stomatološkog fakulteta sa stomatološkim kliničkim centrom za davanje instrukcije za postupanje u pogledu primjene člana 31.stav (3). Zakona o visokom obrazovanju ("Službene novine Kantona Sarajevo" broj 36/22). S tim u vezi, u prilogu Vam dostavljamo akt Inspektorata prosvjetne inspekcije.

S poštovanjem,

Prilog:

1. Akt Inspektorata prosvjetne inspekcije broj: 14-12-34-06552/24-12/05 od 02.12.2024.godine

Dostavljeno:

1. Naslovu
2. a/a



UNIVERZITET U SARAJEVU –
STOMATOLOŠKI FAKULTET SA
STOMATOLOŠKIM KLINIČKIM
CENTROM

Tel.: +387 33 214 249
Fax: +387 33 443 395
E-mail: dentalschool@sf.unsa.ba
Adresa: Bolnička 4a, Sarajevo
Bosna i Hercegovina

Broj: 01-5-8-16/24
Sarajevo, 27.11.2024. godine

Ministarstvo za nauku, visoko obrazovanje
i mlade Kantona Sarajevo
Reisa Džemaludina Čauševića 1
71000 Sarajevo
n/r prof. dr. Adna Mesihović, ministrica

Univerzitet u Sarajevu
Obala Kulina bana 7/2
71000 Sarajevo
n/r prof. dr. Tarik Zaimović, rektor

Kantonalna uprava za inspeksijske poslove KS
Inspektorat prosvjetne inspekcije
Aleja Bosne srebrene bb
71000 Sarajevo
n/r Dalila Hakalović

PREDMET: Instrukcija za postupanje, traži se;

Poštovani,

član 31. stav (3) Zakona o visokom obrazovanju propisuje: "Studenti iz kategorije žrtava i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u Kantonu Sarajevo, oslobođeni su plaćanja školarine, odnosno školuju se na teret Budžeta Kantona Sarajevo."

Ovim tražimo instrukciju u pogledu oslobađanja troškova školarine djece bez oba roditelja, u smislu davanja konkretne upute do koje godine života ova kategorija studenata ostvaruje pravo na oslobađanje troškova školarine.

S obzirom da su djeca kao kategorija društva osobe mlađe od 18 godina života, tj. maloljetnici, koje kao takve uglavnom nisu kandidati za upis u prvu godinu studija, dok uopšte nisu kandidati za upis starijih godina studija, očigledno je da se u ovoj odredbi pod pojmom "djeca" misli na potomke, pa se s tim u vezi i traži instrukcija za postupanje.

Primjera radi, da li lice bez oba roditelja koje je steklo status studenta, odnosno ostvarilo pravo na upis, u svojoj 38. ili 40. godini života ostvaruje pravo na oslobađanje troškova školarine u skladu sa članom 31. stav (3) Zakona o visokom obrazovanju?

S poštovanjem,

Pripremila i za usli sa zakonskim
i podzakonskim aktima odgovarajuće

Mr. sci. Edisa Litić, dipl. iur.

Dostaviti:
Predsjednik
-n/r-



UNIVERSITY OF SARAJEVO
FACULTY OF DENTISTRY WITH
DENTAL CLINICAL CENTER

Phone: +387 33 214 249
Fax: +387 33 443 395
E-mail: dentalschool@sf.unsa.ba
Address: Bolnička 4a, Sarajevo
Bosnia and Herzegovina

12 / 27.11.24.



Prof. dr. sc. Muhamed Ajković



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-12-34-06552/24-12/05

Datum: 02.12.2024. godine

PREDMET: Instrukcija za postupanje, dostavlja se;

Inspektorat prosvjetne inspekcije Kantonalne uprave za inspekcijske poslove zaprimio je Zahtjev Univerziteta u Sarajevu – Stomatološkog fakulteta sa stomatološkim kliničkim centrom za davanje instrukcije za postupanje u pogledu primjene člana 31.stav (3). Zakona o visokom obrazovanju ("Službene novine Kantona Sarajevo" broj 36/22). Budući da je Ministarstvo za nauku, visoko obrazovanje i mlade Kantona Sarajevo predlagač Zakona o visokom obrazovanju, to Vam predmetni Zahtjev dostavljamo radi davanja mišljenja u vezi primjene člana 31. ovog Zakona.

S poštovanjem,

Prilog: fco Zahtjeva

Dalila Hakalović, diol.pravnik

- b) uređenog prostora i potrebnog materijala za obavljanje nastavne, naučne, stručne i umjetničke djelatnosti;
 - c) u punom iznosu finansira realizaciju nastavnog procesa/vježbe, odnosno tehničko osoblje pri laboratorijskim vježbama;
 - d) dostupnosti informaciono-komunikacijskih tehnologija (informatička oprema);
 - e) zaštitne radne odjeće;
 - f) opreme i uslove za studiranje studenata sa invaliditetom u punom iznosu;
 - g) sredstava potrebnih za obavljanje nastavnog procesa izvan prostora visokoškolske ustanova, a u skladu s usvojenim studijskim programom rada visokoškolske ustanove;
 - h) osnovne literature, stručnih časopisa i ostale bibliotečke građe;
 - i) članarine u međunarodnim strukovnim organizacijama pristupa i
 - j) korištenja relevantnih baza podataka.
- (4) Sredstvima iz Budžeta Kantona Sarajevo sufinansiraju se:
- a) troškovi naučnoistraživačkog i umjetničkog rada;
 - b) troškovi materijala i usluga;
 - c) troškovi za nabavku stalnih sredstava;
 - d) programi i projekti studentskih organizacija;
 - e) međunarodne razmjene studenata i akademskog osoblja.
- (5) Finansiranje javnih visokoškolskih ustanova vrši se putem Budžeta Kantona Sarajevo, u skladu sa Zakonom o budžetima u Federaciji Bosne i Hercegovine ("Službene novine FBiH", br.: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i Zakonom o trezoru u Federaciji Bosne i Hercegovine ("Službene novine FBiH", br.: 26/16 i 3/20).
- (6) Cjenovnik usluga, upisnina i drugih troškova studija na javnim visokoškolskim ustanova utvrđuje upravni odbor visokoškolske ustanove uz prethodnu saglasnost Vlade.

Član 27.

(Vlastiti prihodi javnih visokoškolskih ustanova)

- (1) Javna visokoškolska ustanova može ostvariti vlastite prihode na način i po postupku koji ne ometa obavljanje djelatnosti i iz izvora koji ne utječu na njihovu nezavisnost djelovanja i autonomiju.
- (2) Sredstva koja javna visokoškolska ustanova i članica univerziteta ostvari, izuzev prihoda iz člana 25. stav (2) tač. a), b) i c) ovog zakona, predstavljaju vlastiti prihod javne visokoškolske ustanove i članice univerziteta, a uplaćuju se u skladu sa Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine FBiH", br.: 33/16, 89/16, 9/17, 33/17, 67/17, 9/18, 27/18, 55/18, 105/18, 18/19, 41/19 i 98/19).
- (3) Sredstva iz člana 25. stav (2) tač. d) i e) ovog zakona, kao i sredstva iz člana 25. stav (3) ovog zakona pripadaju visokoškolskoj ustanovi, odnosno članici univerziteta koja ih je ostvarila, i koriste se u skladu sa zakonom, podzakonskim aktima, statutom i općim aktima javne visokoškolske ustanove, te usvojenim finansijskim planom visokoškolske ustanove.
- (4) Stjecanje i korištenje vlastitih prihoda preciznije se uređuju statutom i općim aktima javne visokoškolske ustanove, koji na prijedlog senata donosi upravni odbor.

Član 28.

(Sufinansiranje naučnoistraživačke/umjetničkoistraživačke djelatnosti)

- (1) Osnivač osigurava dio sredstava za sufinansiranje razvoja naučnoistraživačkog i umjetničkoistraživačkog rada na javnim visokoškolskim ustanovama u skladu sa Zakonom o naučnoistraživačkoj djelatnosti ("Službene novine Kantona Sarajevo", broj 26/16).
- (2) Osnivač visokoškolske ustanove osigurava dio sredstava za finansiranje časopisa, knjiga i drugih publikacija koje čine rezultat naučnoistraživačkog i umjetničkoistraživačkog rada vidljivim i dostupnijim.

Član 29.

(Finansiranje rada studentskog parlamenta javne visokoškolske ustanove)

- (1) Funkcionisanje, rad i sufinansiranje rada studentskog parlamenta javne visokoškolske ustanove vrši se u skladu sa Zakonom o studentskom organizovanju na području Kantona Sarajevo ("Službene novine Kantona Sarajevo", broj 11/10), statutom i općim aktima javne visokoškolske ustanove.
- (2) Statutom i općim aktom javne visokoškolske ustanove utvrđuju se obaveze studentskog parlamenta u odnosu na utrošak sredstava iz stava (1) ovog člana.
- (3) Sredstvima iz Budžeta Kantona Sarajevo sufinansirat će se programi i projekti studentskih organizacija i dio troškova za rad studentskih organizacija.

Poglavlje III. Školarine i druge naknade

Član 30.

(Školarine i druge naknade na visokoškolskim ustanovama)

- (1) Odluku o visini školarine i drugih naknada u kojima student učestvuje donosi upravni odbor visokoškolske ustanove.
- (2) Visokoškolska ustanova je dužna objaviti visinu školarine i svih drugih naknada koje snosi student najkasnije sedam dana prije objave konkursa za upis studenata.
- (3) Školarinu studenti javnih visokoškolskih ustanova uplaćuju obročno u toku studijske godine, posebno za svaki semestar.
- (4) Statutom i općim aktom visokoškolske ustanove preciznije se utvrđuju kategorije, kriteriji i uslovi u kojima su studenti oslobođeni od plaćanja školarine.

Član 31.

(Školarine i druge naknade na javnim visokoškolskim ustanovama)

- (1) Na prijedlog senata, upravni odbor uz prethodnu saglasnost Vlade, utvrđuje visinu školarine, upisnine i drugih naknada koje su studenti obavezni plaćati za usluge koje visokoškolske ustanove i članice univerziteta pružaju studentima u svim statusima i na svim ciklusima studija.
- (2) Visina školarine iz stava (1) ovog člana može biti različita za članice javne visokoškolske ustanove i u okviru njih za različite studijske programe.
- (3) Studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u Kantonu Sarajevo, oslobođeni su plaćanja školarine, odnosno školuju se na teret Budžeta Kantona Sarajevo.
- (4) Lice sa utvrđenim stoprocentnim invaliditetom ima pravo upisati se na javnu visokoškolsku ustanovu u statusu studenta oslobođenog od plaćanja školarine, bez mogućnosti da ovaj status izgubi, na bilo kojem studijskom programu svih ciklusa studija pod uslovom da je:
 - a) položilo prijemni ispit;
 - b) sposobno obavljati praktične zadatke u nastavi;

- c) steklo pravo upisa na odgovarajući ciklus studija i
 - d) dostavilo dokaz nadležne institucije o statusu lica sa invaliditetom i procentu invaliditeta.
- (5) Student koji plaća školarinu i prvi put je upisan u tekuću godinu i koji je položio sve ispite iz tekuće školske godine i prema postignutom prosjeku iz prethodne studijske godine spada u 20% studenata sa najvišim prosjekom, oslobođen je plaćanja školarine za nastavak studija na tom ciklusu.
- (6) Studenti iz stava (3) ovog člana su oslobođeni plaćanja školarine ukoliko drugi put za redom nisu upisali neku od narednih godina studija.
- (7) Svojom zaključkom, a najkasnije 30 dana prije početka upisa u novu školsku godinu, Skupština Kantona Sarajevo na prijedlog Vlade, može utvrditi dodatne kriterije i uslove za oslobađanje od plaćanja školarine ili gubitak statusa studenta oslobođenog od plaćanja školarine za studente prvog i drugog ciklusa studija, te integrisanog studija prvog i drugog ciklusa studija koji se realizuju u okviru javne visokoškolske ustanove.

Član 32.

(Utvrđivanje broja studenata na javnim visokoškolskim ustanovama)

- (1) Javna visokoškolska ustanova predlaže Vladi broj i strukturu studenata za upis u prvu godinu prvog i drugog ciklusa studija te prvu godinu integrisanog studija prvog i drugog ciklusa studija.
- (2) Svojom odlukom Vlada utvrđuje broj studenata za upis u prvu godinu prvog i drugog ciklusa studija te integrisanog studija prvog i drugog ciklusa studija, javne visokoškolske ustanove i članice univerziteta u okviru studijskih programa, za koje se troškovi školarine u potpunosti ili djelimično finansiraju iz Budžeta Kantona Sarajevo, odnosno koji su oslobođeni od plaćanja školarine od strane Vlade.
- (3) Odlukom iz stava (2) ovog člana Vlada odobrava i broj studenata koji finansiraju svoj studij ili čiji studij finansiraju drugi subjekti, vodeći računa da taj broj ne može biti veći od broja studenata za koji javna visokoškolska ustanova i članica univerziteta, odnosno studijski program mogu osigurati realizaciju nastavnog procesa u skladu s normativima i standardima za obavljanje djelatnosti visokog obrazovanja na području Kantona Sarajevo.
- (4) Broj studenata iz stava (2) ovog člana određuje se u skladu sa Strategijom razvoja visokog obrazovanja Kantona Sarajevo, kao i normativima i standardima za obavljanje djelatnosti visokog obrazovanja na području Kantona Sarajevo.
- (5) Visokoškolska ustanova može upisati i veći broj kandidata koji su ispunili formalne uslove za upis od broja predviđenog odobrenim planom upisa uz prethodno pribavljenu saglasnost Ministarstva, a uz dokaz da će se realizacija studijskog programa odvijati u skladu sa standardima i normativima za obavljanje djelatnosti visokog obrazovanja na području Kantona Sarajevo.
- (6) Javna visokoškolska ustanova, odnosno članica univerziteta ima pravo za broj kandidata koje oslobodi plaćanja troškova školarine u skladu sa članom 31. st. (3) i (4) ovog zakona proširiti broj studenata koje upisuje u prvu godinu studija kandidatima koji ispunjavaju formalni uslov za upis, i to u statusu studenata koji finansiraju svoj studij.
- (7) U skladu sa statutom i općim aktima, senat javne visokoškolske ustanove utvrđuje broj studenata na III ciklusu studija, stručnom, specijalističkom, interdisciplinarnom, multidisciplinarnom i transdisciplinarnom studiju koji se u okviru visokoškolske ustanove realizuju sa drugom domaćom ili stranom

visokoškolskom ustanovom, institucijom ili poslovnim subjektom te pripreme nastave, ljetnih/zimskih škola, kao i različitih oblika necikličnog i cjeloživotnog obrazovanja.

DIO ČETVRTI: VISOKOŠKOLSKKE USTANOVE

Poglavlje I. Vrste i djelatnost visokoškolskih ustanova

Član 33.

(Vrste visokoškolskih ustanova)

- (1) Visokoškolska ustanova se može osnovati kao univerzitet ili kao visoka škola.
- (2) Visokoškolska ustanova se može osnovati kao javna ustanova ili kao ustanova.
- (3) Visokoškolska ustanova ima svojstvo pravnog lica.

Član 34.

(Djelatnost)

- (1) Visokoškolska ustanova obavlja djelatnost od posebnog društvenog i javnog interesa, a prihod koji ostvaruje obavljanjem djelatnosti visokog obrazovanja koristi isključivo za razvoj i unapređenje vlastite djelatnosti.
- (2) Visokoškolska ustanova se bavi nastavnim, umjetničkim, naučnoistraživačkim i umjetničkoistraživačkim radom, te u okviru "treće misije" omogućava transfer informacija, znanja i tehnologija, inovacije, kao i kontinuirano učenje i zadovoljavanje potreba društva u pogledu razvoja i unapređenja kvaliteta života
- (3) Visokoškolska ustanova se bavi nastavnim, naučnom, umjetničkom, naučnoistraživačkom, umjetničkoistraživačkim, ekspertsko-konsultantskom, stručno-konsultantskom te izdavačkom djelatnosti, kao i drugim poslovima i uslugama kojima ostvaruje vlastiti prihod, pod uslovom da se time ne ugrožava kvalitet nastave i naučnog, umjetničkog, odnosno, stručnog rada.

Član 35.

(Visokoškolska ustanova kao univerzitet)

- (1) Univerzitet je visokoškolska ustanova koja provodi najmanje pet različitih akademskih studijskih programa iz najmanje tri naučne oblasti.
- (2) Univerzitet je visokoškolska ustanova koja izvodi akademske studije sva tri ciklusa.
- (3) Univerzitet može izvoditi i strukovne studije prvog i drugog ciklusa te uspostaviti različite forme necikličnog obrazovanja (uključujući mikroakreditacije), koje uključuju i obrazovanje za račun kompanija, strukovnih udruženja i/ili trećih lica koja iskazu takvu vrstu potreba.

Član 36.

(Visokoškolska ustanova kao visoka škola)

- (1) Visoka škola je visokoškolska ustanova koja provodi najmanje jedan nastavni program iz jedne naučne ili umjetničke oblasti.
- (2) Visoka škola je visokoškolska ustanova koja realizuje programe samo prvog ciklusa studija.

Član 37.

(Programi cjeloživotnog i necikličnog obrazovanja)

- (1) U okviru svoje djelatnosti visokoškolska ustanova može realizovati programe cjeloživotnog i necikličnog obrazovanja, mikroakreditivne, programe ljetnih/zimskih škola te interdisciplinarnne programe iz oblasti obrazovanja iz kojih izvodi studijske programe.
- (2) Programi iz stava (1) ovog člana sastavni su dio programa visokoškolske ustanove, a doprinose jačanju fleksibilnosti institucije, kao i jačanju internacionalizacije, kvaliteta i ostvarenju "treće misije" visokoškolskih ustanova, a i za njih ustanova izdaje certifikate i/ili "mikroakreditacije" koji su javna isprava i izdaju se, čuvaju i arhiviraju u skladu sa propisima.

kadrova na domaćem tržištu rada, obrazovanju kadrova u sektorima kojima se potiče razvoj privrede u skladu sa strategijom razvoja Kantona Sarajevo, kao i druge aktivnosti čija realizacija doprinosi razvoju visokog obrazovanja i naučnoistraživačkog rada te ukupnog društvenog razvoja Kantona Sarajevo i Bosne i Hercegovine.

- (3) Vlada osigurava sredstva iz stava (1) ovog člana na osnovu posebnog elaborata koji sadrži aktivnosti čijim sufinansiranjem se ostvaruju ciljevi definisani u stavu (2) ovog člana.
- (4) Prilikom planiranja budžeta, Univerzitet i članice mogu predložiti plan potrebnih sredstava za sufinansiranje međunarodnih projekata.

Član 170.

(Položaj teoloških fakulteta, visokih teoloških škola i teoloških akademija)

Teološki fakulteti, kao punopravne članice Univerziteta, zadržava svojstvo pravne osobe.

DIO JEDANAESTI: PRELAZNE I ZAVRŠNE ODREDBE

Član 171.

(Konstituisanje Savjeta)

U skladu s odredbama ovog zakona, Savjet se konstituise najkasnije u roku od šest mjeseci od dana stupanja na snagu ovog zakona.

Član 172.

(Podzakonski akti)

Ministar u roku od godinu dana od dana stupanja na snagu ovog zakona donosi podzakonske akte u skladu s ovim zakonom.

Član 173.

(Visokoškolske ustanove)

Visokoškolske ustanove su dužne usaglasiti svoju organizaciju, statut i opće akte s ovim zakonom u roku od šest mjeseci od dana stupanja na snagu ovog zakona.

Član 174.

(Započeti postupci osnivanja novih visokoškolskih ustanova)

Postupci osnivanja, kao i druge statusne promjene visokoškolske ustanove započete prema odredbama propisa koji su važili prije stupanja na snagu ovog zakona završit će se prema tim propisima.

Član 175.

(Stečena prava)

- (1) Lica koja su prije stupanja na snagu ovog zakona stekla akademsku titulu, odnosno naučno i stručno zvanje zadržavaju pravo njihovog korištenja u skladu sa propisima prema kojima su titule i zvanja stečeni.
- (2) Lica iz stava (1) ovog člana mogu podnijeti zahtjev visokoškolskoj ustanovi/organizacionoj jedinici na kojoj su stekli akademsku titulu, odnosno naučno i stručno zvanje da im u postupku i pod uslovima predviđenim zakonom i općim aktom visokoškolske ustanove izda uvjerenje o tome da ranije stečena akademska titula, odnosno naučno i stručno zvanje odgovara nekoj od akademskih titula, odnosno naučnih i stručnih zvanja u skladu sa Pravilnikom o korištenju akademskih titula, stjecanju naučnih i stručnih zvanja na području Kantona Sarajevo ("Službene novine Kantona Sarajevo", broj 50/16).
- (3) Ministarstvo određuje visokoškolsku ustanovu koja odlučuje o zahtjevu iz stava (2) ovog člana ukoliko visokoškolska ustanova na kojoj je stečena akademska titula, odnosno naučno i stručno zvanje ili njen pravni sljednik ne postoji.
- (4) Lica koja su stekla naučni stepen doktora nauka prema propisima koji su bili na snazi prije stupanja na snagu ovog

zakona imaju ista prava kao i lica koja su doktorat nauka stekli prema ovom zakonu.

- (5) Lica koja su započela postdiplomski studij za stjecanje stepena magistra nauka/umjetnosti i doktora nauka imaju pravo steći naučni stepen magistra nauka/umjetnosti, odnosno doktora nauka zaključno sa 30.09.2025. godine.
- (6) Lica koja su stekla naučni stepen magistra nauka/umjetnosti prema propisima koji su bili na snazi prije stupanja na snagu ovog zakona imaju pravo nastaviti studij trećeg ciklusa studija po bolonjskom sistemu studija.
- (7) Licima iz stava (6) ovog člana visokoškolska ustanova priznaje 60 ECTS studijskih bodova, a njihov status odnosno prava i obaveze u nastavku studija utvrđuje visokoškolska ustanova pravilima studiranja za treći ciklus studija.
- (8) U slučaju izmjene naziva nastavnog predmeta ili naučne/umjetničke oblasti, polja ili grane, senat je obavezan na prijedlog vijeća članice donijeti odluku o ekvivalenciji izvršenih izbora u akademska zvanja. Postupak i uslovi za ekvivalenciju preciznije se uređuju statutom.
- (9) Studenti koji su okončali studij prije stupanja na snagu ovog zakona na visokoškolskim ustanovama koje realizuju integrisane studijske programe prvog i drugog ciklusa studija koji traju najmanje pet godina imaju pravo nastaviti studij prema bolonjskom sistemu studija na bazi ekvivalencije studija koji je važio prilikom upisa tog studenta.
- (10) Licima koja su prema odredbama Zakona o naučnoistraživačkoj djelatnosti birana u naučna i istraživačka zvanja, izvršeni izbori se za rad u nastavnom procesu na fakultetu, odnosno akademiji vrednuju u skladu s tim zakonom.
- (11) Student koji je započeo studij po predbolonjskom sistemu studija ima pravo, u skladu sa zakonom, isti okončati do 30.09.2025. godine.
- (12) Lice koje je steklo status apsolventa po predbolonjskom sistemu studija, a taj status je izgubilo zbog njege i brige o djetetu s teškoćama u razvoju, ima pravo da mu se na lični zahtjev uz validnu dokumentaciju omogući ponovno sticanje statusa studenta i okončanje studija po istom sistemu studija u roku navedenom u stavu (11) ovog člana.
- (13) Rektor/direktor visokoškolske ustanove, odnosno dekan/direktor članice zatečen na dužnosti u svom prvom mandatnom periodu danom stupanja na snagu ovoga zakona obavljat će svoju dužnost do isteka mandata na koji je izabran i može biti biran na istu funkciju samo u drugi mandatni period.
- (14) Rektor/direktor visokoškolske ustanove, odnosno dekan/direktor članice zatečen na dužnosti u svom drugom uzastopnom mandatnom periodu danom stupanja na snagu ovoga zakona obavljat će svoju dužnost do isteka mandata na koji je izabran i ne može biti biran na istu funkciju rukovodioca u treći uzastopni mandatni period.

Član 176.

(Prelazni period u vezi s izborima u akademska zvanja)

- (1) Svi članovi akademskog osoblja koji su izabrani u akademsko zvanje prema odredbama zakona koji prestaje da važi stupanjem na snagu ovog zakona zadržavaju pravo da budu izabrani u isto ili više akademsko zvanje prema uslovima propisanim ranijim zakonom.
- (2) Pravo iz stava (1) ovog člana važi samo na jedan izborni period u isto ili više akademsko zvanje.
- (3) Nakon provedenog izbora u skladu sa st. (1) i (2) ovog člana, visokoškolska ustanova, odnosno članica raspisuje konkurs za izbor u zvanje u skladu sa ovim zakonom.

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- staviti na uvid sve službene dokumente uključujući i one tajnog karaktera, te sudske i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimane odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- uspostavljanje i nadziranje policijskih snaga;
- utvrđivanje obrazovne politike, uključujući donošenje propisa o obrazovanju i osiguranje obrazovanja;
- utvrđivanje i provođenje kulturne politike;
- utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- utvrđivanje politike koja se tiče reguliranja i osiguravanja javnih službi;
- donošenje propisa o korištenju lokalnog zemljišta, uključujući i zadržavanje;
- donošenje propisa o unaprijeđivanju lokalnog poslovanja i dobrotvornih aktivnosti;
- donošenje propisa o lokalnim postrojenjima za proizvodnju energije i osiguranje njihove dostupnosti;
- utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- provođenje socijalne politike i uspostava službi socijalne zaštite;
- stvaranje i primjena politike turizma i razvoja turističkih resursa;
- stvaranje pretpostavki za optimalni razvoj privrede koja odgovara urbanoj sredini;
- finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši sljedeće nadležnosti:

- jamčenje i provođenje ljudskih prava;
- zdravstvo;
- politika zaštite čovjekove okoline;

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadle nosti

Svoje nadle nosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadle nosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadle nosti će Kanton vršiti cjelovito i samostalno.

Član 15.

Prenošenje nadle nosti

Svoje nadle nosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadle nosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može i neke od svojih nadle nosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadle nosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadle nosti Skupštine

Skupština Kantona:

a) priprema i dvotrećinskom većinom usvaja Ustav Kantona;

b) donosi zakone i druge propise u okviru izvršavanja nadle nosti Kantona, izuzev propisa koji su ovim Ustavom ili zakonom dati u nadle nost Vlade Kantona;

c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;

d) utvrđuje politiku i donosi programe razvoja Kantona;

e) potvrđuje imenovanje Premijera, zamjenika Premijera i članova Vlade Kantona;

f) osniva kantonalne i općinske sudove i utvrđuje njihove nadle nosti;

g) bira sudije kantonalnih sudova sukladno Ustavu Federacije i ovom Ustavu;

h) usvaja bud et Kantona i donosi zakone o oporezivanju i na drugi način osigurava potrebno finansiranje;

i) bira zastupnike u Dom naroda Federacije sukladno Ustavu Federacije;

j) odlučuje o prijenosu ovlaštenja Kantona na općine i Federaciju;

k) odobrava zaključivanje ugovora i sporazuma u oblasti međunarodnih odnosa i međunarodne suradnje;

l) provodi istragu sukladno ovom Ustavu i posebnim propisima;

m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bli e se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadle nosti Skupština donosi zakone, druge propise, te opće i pojedinačne akte (dalje: propisi).

- Donošenje zakona po skraćenom postupku

Član 158.

Kad je to programom rada Skupštine predviđeno ili kad nije u pitanju složen i obiman zakon, podnosilac prijedloga zakona može umjesto nacrtu da podnese prijedlog zakona i da predloži da se prijedlog zakona pretresa po skraćenom postupku bez nacrtu zakona.

O prijedlogu za donošenje zakona po skraćenom postupku, odlučuje Skupština, kao o prethodnom pitanju na sjednici Skupštine prije utvrđivanja dnevnog reda.³⁹

Ako Skupština ne prihvati da pretresa prijedlog zakona po skraćenom postupku, sa prijedlogom zakona će se postupiti kao sa nacrtom i o tom nacrtu odmah se vrši rasprava.

- Donošenje zakona po hitnom postupku

Član 159.

Zakoni se, po pravilu, ne donose po hitnom postupku.

Izuzetno, po hitnom postupku može da se donese samo zakon kojim se uređuju odnosi i pitanja za čije uređivanje postoji neodložna potreba i ako bi donošenje zakona u redovnom postupku moglo da izazove štetne posljedice za društvene interese u Kantonu.

Član 160.

Prijedlog da se donese zakon po hitnom postupku, skupa sa prijedlogom tog zakona, može da podnese svaki poslanik/zastupnik, radno tijelo Skupštine ili Vlada, uz obrazloženje zašto je neophodno da se zakon donese po hitnom postupku.

Član 161.

O prijedlogu za donošenje zakona po hitnom postupku odlučuje Skupština kao o prethodnom pitanju na sjednici Skupštine prije utvrđivanja dnevnog reda.

O prijedlogu se vodi pretres, a Skupština može odlučiti da podnosilac prijedloga zakona ili njegov predstavnik na sjednici Skupštine usmeno navede razloge zbog kojih je potrebno da se zakon donese po hitnom postupku.

Ako prijedlog nije podnijela Vlada, Skupština će prije odlučivanja od nje zatražiti mišljenje o ovom prijedlogu.

Ako Skupština usvoji prijedlog za donošenje zakona po hitnom postupku, prijedlog zakona se unosi u dnevni red i o njemu se odlučuje na istoj sjednici Skupštine.

Ako Skupština ne prihvati razloge iz člana 159. stav 2. ovog poslovnika za donošenje zakona po hitnom postupku, o svom zaključku odmah obavještava podnosioca prijedloga zakona, te o njemu raspravlja kao o nacrtu.

³⁹Službene novine Kantona Sarajevo br.: 47/24

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvatić, s. r.

ZAKON

**O SUDSKIM TAKSAMAMA
(Prečišćeni tekst)**

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

